

Adroddiad ar gyfer: Pwyllgor Craffu Partneriaethau

Dyddiad y Cyfarfod: Gorffennaf 12 2012

Awdur yr Adroddiad: Cydlynnydd Craffu

Teitl: Rhaglen Waith Craffu

1. Beth mae'r adroddiad yn ymwneud ag o?

Mae'r adroddiad yn cyflwyno'r Pwyllgor Craffu Partneriaethau â'i flaenraglen waith i aelodau ei ystyried.

2. Beth yw'r rheswm am wneud yr adroddiad yma?

I'r Pwyllgor adolygu a chytuno ar ei raglen waith ar gyfer y dyfodol, ac i ddiweddarau aelodau ar faterion perthnasol.

3. Beth yw'r argymhellion?

Bod y Pwyllgor:

3.1 yn ystyried y wybodaeth a ddarperir ac yn cymeradwyo, adolygu neu ddiwygio ei flaenraglen waith fel y bydd yn briodol;

3.2 yn enwebu cynrychiolwyr i lenwi pob un o leoedd gwag y Pwyllgor ar y Grwpiau Herio Perfformiad Gwasanaethau;

3.3 yn enwebu cynrychiolydd i wasanaethu ar Fwrdd Rhaglen Gydweithredol Conwy a Sir Ddinbych.

4. Manylion yr adroddiad

4.1 Mae Erthygl 6 Cyfansoddiad y Cyngor yn gosod allan delerau gorchwyl pob Pwyllgor Craffu, eu swyddogaethau a'u haelodaeth, ac mae rheolau gweithdrefnau ar gyfer pwyllgorau craffu wedi eu gosod allan yn Rhan 4 y Cyfansoddiad.

4.2 Yn ôl Cyfansoddiad Cyngor Sir Ddinbych mae'n ofynnol i bwyllgorau craffu baratoi a pharhau i adolygu rhaglen ar gyfer eu gwaith yn y dyfodol. Drwy adolygu a blaenoriaethu materion, gall aelodau sicrhau bod y rhaglen waith yn cyflenwi agenda sy'n cael ei harwain gan yr aelodau.

4.3 Am nifer o flynyddoedd fe fu'n ymarfer mabwysiedig yn Sir Ddinbych i bwyllgorau craffu gyfyngu ar nifer yr adroddiadau a ystyrir mewn unrhyw gyfarfod unigol hyd uchafswm o bedwar yn ogystal ag adroddiad rhaglen waith y Pwyllgor ei hun. Nod y dull gweithredu yma ydi hwyluso trafodaeth fanwl ac effeithiol ar bob pwnc.

4.4 Gofynnir i'r Pwyllgor ystyried ei raglen waith ddrafft ar gyfer cyfarfodydd y dyfodol fel y'i nodir yn atodiad 1 a chymeradwyo, adolygu neu ddiwygio fel y bydd yn briodol. Mae'r rhaglen waith ddrafft yma'n adlewyrchu'r pynciau a'r materion a awgrymwyd gan aelodau'r Pwyllgor yng ngweithdy'r rhaglen waith yn ddiweddar. Wrth benderfynu ar y rhaglen waith gofynnir i aelodau ystyried:

- materion a godwyd gan aelodau'r Pwyllgor
- materion a gyfeiriwyd gan Grŵp Cadeiryddion ac Is-gadeiryddion Craffu
- perthnasedd i flaenoriaethau'r Pwyllgor/Cyngor/gymuned
- Cynllun Corfforaethol y Cyngor ac Adroddiad Blyneddol Cyfarwyddwr y Gwasanaethau Cymdeithasol
- baich gwaith cyfarfodydd
- amseroldeb
- canlyniadau
- materion allweddol a gwybodaeth i'w cynnwys mewn adroddiadau
- swyddogion a/neu aelodau arweiniol y Cabinet y dylid eu gwahodd (o ystyried a ydi eu presenoldeb yn angenrheidiol neu a fyddai'n ychwanegu gwerth)
- cwestiynau i'w rhoi i swyddogion/aelodau arweiniol y Cabinet

4.5 Wrth ystyried eitemau yn y dyfodol i'w cynnwys ar y flaenraglen waith, fe allai fod yn ddefnyddiol i aelodau ystyried y cwestiynau canlynol wrth bennu addasrwydd pwnc i'w gynnwys ar y rhaglen waith:

- beth yw'r mater?
- pwy yw'r rhanddeiliaid?
- yr hyn sy'n cael ei ystyried mewn man arall
- beth sydd ar graffu angen ei wybod?
- pwy allai gynorthwyo?

4.6 Fel y'i crybwyllir ym mharagraff 4.2 mae'n ofynnol yn ôl Cyfansoddiad Cyngor Sir Ddinbych i bwyllgorau craffu baratoi a pharhau i adolygu rhaglen ar gyfer eu gwaith yn y dyfodol. I gynorthwyo'r broses o flaenoriaethu adroddiad, os bydd swyddogion o'r farn fod pwnc yn haeddu amser i'w drafod ar agenda busnes y Pwyllgor, mae'n rhaid iddyn nhw wneud cais ffurfiol i'r Pwyllgor ystyried derbyn adroddiad ar y pwnc hwnnw. Gwneir hyn drwy gyflwyno 'ffurflen gynnig' sy'n egluro pwrpas, pwysigrwydd a chanlyniadau potensial pynciau a awgrymir. Ni dderbyniwyd unrhyw ffurflenni cynnig i'w hystyried gan y Pwyllgor yn y cyfarfod cyfredol.

4.7 Blaenraglen Waith y Cabinet

Wrth benderfynu ar eu rhaglen o waith ar gyfer y dyfodol mae'n ddefnyddiol i'r pwyllgorau craffu ystyried rhaglen waith rhestredig y Cabinet ar gyfer y dyfodol. I'r diben hwn mae copi o flaenraglen waith y Cabinet yn atodol yn Atodiad 2.

4.8 Cynnydd ar Benderfyniadau'r Pwyllgor

Mae tabl sy'n crynhoi penderfyniadau diweddar y Pwyllgor ac sy'n hysbysu aelodau o gynnydd â'u gweithrediad yn atodol yn Atodiad 3 i'r adroddiad hwn.

5. Grŵp Cadeiryddion ac Is-gadeiryddion Craffu

Yn ôl trefniadau craffu'r Cyngor mae Grŵp Cadeiryddion ac Is-gadeiryddion Craffu'n perfformio rôl pwyllgor cydlynu. Mae'r Grŵp yma i gynnal ei gyfarfod cyntaf o sesiwn y Cyngor newydd ar Orffennaf 5, 2012. O ganlyniad, bydd unrhyw argymhellion neu benderfyniadau a wneir gan y Grŵp yn y cyfarfod hwnnw sy'n effeithio'n uniongyrchol neu'n anuniongyrchol ar Bwyllgor Craffu Partneriaethau'n cael eu hadrodd ar lafar i'r Pwyllgor yn y cyfarfod ar Orffennaf 12.

6. Penodi Cynrychiolwyr y Pwyllgor ar Grwpiau a Byrddau'r Cyngor

- 6.1 Yn achlysurol gellir gofyn i'r Pwyllgor benodi cynrychiolwyr o blith ei aelodaeth i wasanaethu ar wahanol Fyrddau a Grwpiau'r Cyngor.
- 6.2 Bydd Aelodau'n cofio eu bod, yng nghyfarfod cyntaf y Pwyllgor, wedi enwebu nifer o gynrychiolwyr i wasanaethu ar Grwpiau Herio Perfformiad Gwasanaethau'r Cyngor. Yn yr un cyfarfod fe benododd y Pwyllgor ei Is-gadeirydd, y Cynghorydd Alice Jones, i wasanaethu ar Grŵp Buddsoddi Strategol y Cyngor.
- 6.3 Gan na allai nifer o aelodau fod yn bresennol yn y cyfarfod cyntaf, neu roedd yn rhaid iddyn nhw adael y cyfarfod yn gynnar, fe anfonwyd e-bost at holl aelodau'r pwyllgor yn gofyn am ddatganiadau o ddi-ddordeb i wasanaethu ar y Grwpiau Herio Perfformiad Gwasanaethau lle'r oedd cynrychiolydd y Pwyllgor eto i'w benodi. Er bod yr ymarferiad yn llwyddiant, oherwydd newid yn aelodaeth y Pwyllgor, mae yna ddyrnaid o leoedd gwag ar gyfer Pwyllgorau ar Grwpiau Herio Perfformiad Gwasanaethau a gofynnir i'r Pwyllgor eu llenwi. Gellir gweld copi o restr ddiweddaraf cynrychiolwyr craffu ar y Grwpiau Herio Perfformiad Gwasanaethau yn Atodiad 4. Gall aelodau weld oddi wrth y rhestr fod cynrychiolwyr yn ofynnol ar gyfer Gwasanaethau Oedolion a Busnes; Cynllunio Busnes a Pherfformiad; Cyllid ac Asedau, ac Adnoddau Dynol Strategol.
- 6.4 Bwrdd Rhaglen Gydweithredol Conwy a Sir Ddinbych
Ers i'r Pwyllgor gyfarfod ddiwethaf fe dderbyniwyd cais arall am gynrychiolydd, y tro hwn yn gofyn i'r Pwyllgor benodi rhywun i wasanaethu ar Fwrdd Cydweithredol Conwy a Sir Ddinbych. Fe sefydlwyd y Bwrdd hwn yn ystod tymor y Cyngor blaenorol i oruchwyllo ac i ddarparu llywodraethu priodol ar gyfer prosiectau cydweithredol rhwng y ddau Gyngor.
- 6.5 Nod y Bwrdd, sydd â'i aelodaeth yn cynnwys uwch aelodau etholedig a swyddogion o'r ddau awdurdod, ydi gyrru prosiectau cydweithredol presennol a sicrhau eu bod yn cael eu hintegreiddio'n briodol yng

ngwaith y ddau gyngor. Mae hefyd yn gweithredu fel fforwm lle gellir ystyried cynigion ar gyfer prosiectau cydweithredol newydd cyn iddyn nhw gael eu hystyried ymhellach o fewn yr awdurdodau unigol.

- 6.6 Cynrychiolwyr Sir Ddinbych ar y Bwrdd ydi'r Arweinydd, y Prif Weithredwr, yr Aelodau Arweiniol dros Gyllid, Aelod Arweiniol Tir y Cyhoedd, cynrychiolydd o bob Pwyllgor Craffu a'r Cyfarwyddwr Corfforaethol dros Uchelgais Economaidd a Chymunedol. Mae cynrychiolaeth Cyngor Bwrdeistref Sirol Conwy'n debyg, er bod teitl eu swyddi neu enwau'r portffolios yn wahanol. Mae copi o delerau gorchwyl y Bwrdd (dyddiedig Chwefror 2011) yn atodol yn Atodiad 5 er gwybodaeth i aelodau.

7. Sut mae'r penderfyniad yn cyfrannu tuag at y Blaenoriaethau Corfforaethol?

Bydd craffu effeithiol yn cynorthwyo'r Cyngor i gyflenwi ei flaenoriaethau corfforaethol yn unol ag anghenion y gymuned a dymuniadau preswylwyr. Bydd datblygu ac adolygu parhaus y rhaglenni gwaith cydlynol yn cynorthwyo'r Cyngor gyda monitro ac adolygu materion polisi.

8. Faint fydd hyn yn ei gostio a sut fydd o'n effeithio ar wasanaethau eraill?

Gall gwasanaethau fod angen dyrannu amser swyddog i gynorthwyo'r Pwyllgor gyda gweithgareddau a nodwyd yn y flaenraglen waith, a chydag unrhyw gamau o ganlyniad i'r ystyriaeth o'r eitemau hynny.

9. Pa ymgynghori a gafwyd?

Dim angen ar gyfer yr adroddiad hwn. Ond, mae'r adroddiad ei hun a'r ystyriaeth o'r flaenraglen waith yn cynrychioli proses ymgynghori â'r Pwyllgor o ran ei raglen o waith yn y dyfodol.

10. Pa risgiau sydd yna ac a oes yna unrhyw beth y gallwn ei wneud i'w lleihau?

Ni nodwyd unrhyw risgiau o ran ystyriaeth o flaenraglen waith y Pwyllgor. Ond, drwy adolygu ei flaenraglen waith yn rheolaidd gall y Pwyllgor sicrhau bod meysydd o risg yn cael eu hystyried a'u harchwilio fel a phan y'u nodir, ac fe wneir argymhellion gyda'r bwriad o ddelio â'r risgiau hynny.

11. Grym i wneud y penderfyniad

Mae Erthygl 6.3.7 Cyfansoddiad y Cyngor yn amodi fod yn rhaid i bwyllgorau craffu'r Cyngor baratoi a pharhau i adolygu rhaglen o'u gwaith ar gyfer y dyfodol.

Swyddog Cyswllt: Cydlynnydd Craffu
E-bost: dcc_admin@denbighshire.gov.uk

Rhif Ffôn: (01824) 712554